



TOLOSAKO  
UDALA

2025IGBA0012

## GOBERNU BATZARRA

2025.05.06

**Alkatea:**  
**Angel Martinez de Rituerto Arregi**

**Bertaratutako zinegotziak:**  
**Kristina Pelaez Errazkin**  
**Ander Figuerido Zubiria**

Tolosako udaletxean, bi mila eta hogeita bosteko maiatzaren seian, 10:00etan, bigarrenengo deialdian, Tokiko Gobernu Batzarra bildu da ohiko bilera egiteko. Mahaiburu alkatea izan da eta alboan aipatutako zinegotziak agertu dira, gai-zerrenda hau aztertzeko:

**Ez dira bertaratu:**  
**Aitor Agirresarobe Murgi**  
**Estitxu Kortejarena Ugarte**  
**Goiuri Ezeiza Arandia**

**Udal idazkaria:**  
**Sara Berasategui Fuertes**

**Kontu-hartzaile akzidentala:**  
**Paulino Alonso Eraso**

1. Akta hau onartzea: 2025eko apirilaren 29koa.
2. Onartzea Tolosaldeko Lanbide Heziketa Institutuak eta Tolosako udalak, udalean praktikak egiteko sinatutako Lankidetzaren hitzarmenaren arabera, ikasle bat praktiketan jarduteko baimena ematea 2025-05-07tik 2025-05-28ra.
3. Onartzea Nura Gizarte Elkarteari, Tolosako udalerrian Arlo sozioedukatiboan eta psikosozialean esku-hartzeko zerbitzu-kontratua bete duelako, 41.660,85€ko behin betiko bermea itzultzea.
4. Dekretu hauen berri ematea:  
2025/1254 Dekretua: 2025/10 faktura zerrendak.  
2024/1933 Dekretua: 2025/11 faktura zerrendak.  
2025/982 Dekretua: 2025/12 faktura zerrendak.  
2025/1263 Dekretua: 2025/13 faktura zerrendak

ESKU46e061cd-0643-4e70-a2cf-4971726d1f11



## **1. AKTA HAU ONARTZEA: 2025EKO APIRILAREN 29KOA.**

Alkateak bilerari hasiera eman ondoren, izenburuan aipatutako akta aztertu dute.

Aho batez onartu dute.

## **2. ONARTZEA TOLOSALDEKO LANBIDE HEZIKETA INSTITUTUAK ETA TOLOSAKO UDALAK, UDALEAN PRAKTIKAK EGITEKO SINATUTAKO LANKIDETZA HITZARMENAREN ARABERA, IKASLE BAT PRAKTIKETAN JARDUTEKO BAIMENA EMATEA 2025-05-07TIK 2025-05-28RA.**

### **IKUSIRIK**

LEHENA.- Giza Baliabideetako arduradunak txosten teknikoa luzatu du, honakoa adieraziz:

Tolosaldeko Lanbide Heziketa Institutuak, bertako ikasle batek (Administrazio eta Finantza ikasketak egiten ari dena) Tolosako udalean praktikak egiteko proposamena luzatu du. Horretarako, Tolosako udalak Lankidetza hitzarmen bat sinatu du Tolosaldeko Lanbide Heziketa Institutuarekin. Praktikaldiaren ezaugarriak hauek dira:

- Praktikaldia alkatetza sailean egingo ditu.
- Praktikaldiaren epea 2025eko maiatzaren 7tik 2025eko maiatzaren 28 arte izango da.
- Ikaslearen tutorea Kike Zinkunegui izango da.
- Ikastetxeak proposatutako ikaslea Ximun Perez Etxarri da.

### **KONTUAN HARTURIK**

7/1985 Legeak, apirilaren 2koak, Toki Araubidearen Oinarriak arautzen dituenak, 22.2. s) artikuluan xedatutakoaren arabera, honako organo honi dagokio arlo honetako onespena ematea: Udalbatza. Bestaldetik, Tolosako Alkatetzak, 2023ko uztailaren 3ko 2023/1707 dekretuaren bitartez, lankidetza hitzarmenak onartzeko ahalmena Tokiko Gobernu Batzarrean eskuordetzea erabaki zuen. Horiek horrela, Tolosako Udaleko Tokiko Gobernu Batzarra da hitzarmen hau onartzeko organo eskuduna.



Beraz, aurreko guztia aintzat hartuta, eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

## ERABAKI DU

**LEHENA.-** 2025eko otsailaren 18an Tolosaldeko Lanbide Heziketa Institutuak eta Tolosako udalak, udalean praktikak egiteko sinatutako Lankidetza hitzarmenaren arabera, ikasle bat praktiketan jarduteko baimena ematea, honako ezaugarrien baitan:

- Praktikak alkatetza sailean egingo ditu.
- Praktikaldiaren epea 2025eko maiatzaren 7tik 2025eko maiatzaren 28 arte izango da.
- Ikaslearen tutorea Kike Zinkunegui izango da.
- Lanbide Heziketa Institutuak proposatutako ikaslea Ximun Perez Etxarri da.

**BIGARRENA-** Akordioa Tolosaldeko Lanbide Heziketa Institutuari jakinaraztea.

### **3. ONARTZEA NURA GIZARTE ELKARTEARI, TOLOSAKO UDALERRIAN ARLO SOZIOEDUKATIBOAN ETA PSIKOSOZIALEAN ESKU-HARTZEKO ZERBITZU-KONTRATUA BETE DUELAKO, 41.660,85€KO BEHIN BETIKO BERMEA ITZULTZEA.**

## IKUSIRIK

LEHENA.- 2025/ 4097 sarrera erregistro bidez honako eskaera egin du Nura Gizarte Elkartearen izenean:

*«Nura Gizarte Elkartetik 2022-ko Ekainaren 16-ean "2022SABI0003 arlo sozioedukatiboan eta psikosozialean eskuhartzeko zerbitzu kontratuaren lizitazioari" zegokion berme originalaren eskaera burutzen dugu. Abal zenbakia honako hau da: 1410409433. Atxikituta bidaltzen dugu bermea aurkeztu izanaren ziurtagiria. Eskerrik asko aldez aurretik.»*

BIGARRENA.- GIZARTE ZERBITZUAK ETA OSASUNA Saileko teknikariak egiaztatu du kontratu hori 2024ko uztailaren 31ean iraungi zela.



## KONTUAN HARTURIK

**LEHENA.-** Gizarte Zerbitzuak eta Osasuna Saileko teknikariak Arlo sozioedukatiboan eta psikosozialean esku-hartzeko zerbitzuaren kontratua betetzeari buruz txostena eman duela 2025eko martxoaren 31ko datarekin, eta honakoa adierazi duela bertan:

«Esleipendunak kontratua behar bezala bete duela, eta Administrazio Baldintza Partikularren Pleguan eta Preskripzio Tekniko Partikularren Pleguan ezarritako baldintza guztiak bete dituela, eta, beraz, adierazitako kontratua erabat bete dela. Era berean, ezarritako berme-epea amaitu da. Aurrekoa kontuan hartuta, eta Sektore Publikoko Kontratuei buruzko azaroaren 8ko 9/2017 Legearen 111. artikuluan xedatutakoarekin bat etorritik, aipatutako behin betiko bermea itzultzearen aldeko txostena egiten dut.»

7/1985 Legeak, apirilaren 2koak, Toki Araubidearen Oinarriak arautzen dituenak, 22.2. n) artikuluan xedatutakoaren arabera, honako organo honi dagokio arlo honetako onespena ematea: Udalbatza. Bestalde, Tolosako Alkatetzak, 2023ko uztailaren 3ko 2023/1707 Dekretuaren bitartez, lankidetzat-hitzarmenak onartzeko ahalmena Tokiko Gobernu Batzarrari eskuordetzea erabaki zuen. Horiek horrela, **Tolosako Udaleko Tokiko Gobernu Batzarra da kontratu horiei dagokien bermearen itzulera onartzeko organo eskuduna.**

Beraz, aurreko guztia aintzat hartuta, eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

## ERABAKI DU

**LEHENA.-** Nura Gizarte Elkarteari itzultzea 41.660,85€ko behin betiko bermea, Tolosako udalerrian Arlo sozioedukatiboan eta psikosozialean esku-hartzeko zerbitzu-kontratua bete duelako.

**BIGARRENA.-** Kontu-hartzailatza eta Diruzaintza Sailari honen berri ematea.



#### **4. DEKRETU HAUEN BERRI EMATEA:**

**2025/1254 Dekretua: 2025/10 faktura zerrendak.**

### **ZINEGOTZI DELEGATUAREN DEKRETUA**

Tolosako Udaleko Kontuhartzailtza eta Diruzaintza Saileko Zinegotzi Delegatuak, Estitxu Kortejarena Ugartek, bat etorrita Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritakoarekin, eta 2023/1695 Alkatetza Dekretuak, 2023ko ekainaren 30ekoak, zinegotzi delegatuei emandako eskumenez baliatuta.

### **KONTUAN HARTURIK**

21/2003 Foru Arauak, abenduaren 19koak, Gipuzkoako Lurralde Historikoko Toki Erakundeen aurrekontuei buruzkoak, bere 41.2 artikuluan xedatzen duenaren arabera, alkateak aintzatetsiko ditu legez eskuratutako gastuen konpromisoetatik sortzen diren betebeharrak.

Hori horrela, zinegotzi delegatuari dagokio onartzea gastuetatik eratorritako 2025eko honako faktura-zerrenda hau:

10. zenbakia duena, 202.675,68 eurokoa.

Zerrenda horretan sartuta dauden fakturek oniritzi teknikoa daukate eta behar bezala fiskalizatuta daude.

Horiek horrela, Zinegotzi Delegatu honek

### **ERABAKI DU**

**LEHENA.-** Onartzea honako faktura-zerrenda honetako faktura guztien eta bakoitzaren gastua eta ordain ditzatela agintzea:

10. zenbakia duena, 202.675,68 eurokoa.



**BIGARRENA.-** Dekretu hau jakinaraztea Tolosako Udaleko kontuhartzaileari eta Tokiko Gobernu Batzarrari.

*Ebazpen honek bide administratiboari amaiera ematen dio. Beraren kontra, honako errekurtsio hauek jar daitezke:*

*Auzibidera jo aurretik, interesdunak aukera izango du birjarpen errekurtsioa aurkezteko Alkateari hilabete bateko epean, jakinarazpen hau jaso eta biharamunetik kontatzen hasita, hala xedatuta baitago Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123. eta 124. artikuluetan.*

*Bestela, birjarpen errekurtsioaren ordeztu, edo errekurtsioaren erantzunaren aurka joko balu, interesatuak administrazioarekiko auzi-errekurtsioa aurkez dezake bi hilabeteko epean, erabaki honen jakinarazpena jaso eta biharamunetik aurrera. Errekurtsio hau, Donostiako Administrazioarekiko Auzien Epaitegian aurkeztuko da.*

**Agindu eta izenpetzen duena Ogasun eta Finantza Administrazio Saileko zinegotzi delegatuak, eta nik, Idazkari akzidental naizen honek, ziurtatua.**

ZINEGOTZI DELEGATUA

UDAL IDAZKARIA

Estitxu Kortejarena Ugarte

Sara Berasategui Fuertes

Batzarkideak jakinaren gainean geratu dira.

ESKU46e061cd-0643-4e70-a2cf-4971726d1f11

**2024/1993 Dekretua: 2025/11 faktura zerrendak**

**ALKATETZA DEKRETUA**

ANGEL MARTINEZ DE RITUERTO ARREGUI Tolosako Udaleko alkate-udalburuarena, bat etorrita Toki-Araubidearen oinarriak arautzen dituen apirilaren 2ko 7/1985 Legearen 21.1 artikuluan ezarritakoarekin.

**KONTUAN HARTURIK**

LEHENA.- Kontuhartzailtza teknikariak egindako txostenean ondorengo hau zehaztu zuen:

**AURREKARIAK**

“Asociación Protectora de Animales y Plantas de Gipuzkoa” elkarteak aurkeztutako ondorengo fakturak jaso dira, guztira 12.490,57 eurokoak, 0700.227.07.311.00 2024 aurrekontu partidaren kargura:

| Faktura zk. | Fakturaren data | Zenbatekoa | Kontzeptua                    |
|-------------|-----------------|------------|-------------------------------|
| 018/2024    | 2024/02/28      | 852,45     | Otsaileko bilketa zerbitzua   |
| 029/2024    | 2024/02/28      | 997,04     | Hileko kuota finkoa: otsaila  |
| 044/2024    | 2024/04/04      | 997,04     | Hileko kuota finkoa: martxoa  |
| 040/2024    | 2024/04/30      | 1.342,41   | Apirileko bilketa zerbitzua   |
| 059/2024    | 2024/04/30      | 997,04     | Hileko kuota finkoa: apirila  |
| 050/2024    | 2024/05/31      | 1.653,65   | Maiatzeko bilketa zerbitzua   |
| 074/2024    | 2024/05/31      | 997,04     | Hileko kuota finkoa: maiatza  |
| 064/2024    | 2024/06/30      | 426,22     | Ekaineko bilketa zerbitzua    |
| 089/2024    | 2024/06/30      | 997,04     | Hileko kuota finkoa: ekaina   |
| 077/2024    | 2024/07/30      | 2.233,60   | Uztaileko bilketa zerbitzua   |
| 104/2024    | 2024/07/31      | 997,04     | Hileko kuota finkoa: uztaila. |

Guztira: 12.490,57

Gastuak kontratu txiki moduan izapidetu dira.

ESKU46e061cd-0643-4e70-a2cf-4971726d1f11

## OINARRI JURIDIKOAK

1. 21/2003 FORU ARAUA, abenduaren 19koa, Gipuzkoako Lurralde Historikoko Toki Entitateen Aurrekontuei buruzkoa, bere IV TITULUA: KONTUHARTZE-KONTROLA.
2. Gipuzkoako Foru Aldundiko 32/2018 FORU DEKRETUA, abenduaren 27koa, Gipuzkoako tokiko sektore publikoko entitateen barne kontrolaren araubide juridikoa erregulatzen duena.
3. 2021/7/29 datako toki erakundearen osoko bilkuraren erabakia, aurretiazko fiskalizazio eta kontu-hartze mugatuko araubidea eta espedienteetan egiaztatu beharreko baldintzak onartzen dituena.

## JAKINARAZTEN DUT

**Lehen.**- Obligazioen onarpena aurretiazko kontu-hartzearen menpe daude, abenduaren 27ko Gipuzkoako tokiko sektore publikoko entitateen barne kontrolaren araubide juridikoa erregulatzen duen 32/2018 Foru Dekretuaren 18. artikulua arabera.

Organo kontu-hartzaileak egiaztatu beharko du obligazioa onartzeko beharrezkoak diren baldintza guztiak betetzen direla.

**Bigarrena.**- Kontu-hartzaile akzidentalak, espediente bereko 2024ko otsailaren 6ko fiskalizazio txostenean, adierazi zuen, aipatutako elkarteak aurkeztu zituen 2023 urteko irailetik abendura bitarteko animalien bilketa zerbitzuaren 4 fakturak ez zirela behar bezala izapidetu (2024FISK0002):

«...gastua kontratu txiki bidez izapidetu da, SAREKO aplikazioan egindako eskarien bidez. Baina, aurkeztutako faktura hauek, eta baita urtean zehar aurkeztu diren gainontzekoak ere, prestazio errepikakor baten ondorio dira, eta Sektore Publikoko kontratuak arautzen dituen 9/2017 Legearen 28.8 artikulua arabera, prestazio horiek ezingo dute urtebete baino gehiago iraun. Kontratu txiki baten bidez ezin bada gastu hau tramitatu, aldez aurretik fiskalizatu behar da.

«2.-Zerbitzu honi buruz 2023ko otsailaren 22an egindako fiskalizazio 39/2023 txostenean eta 2023ko martxoaren 1eko 2023/466 Alkatetza Dekretuan Idazkariak egindako eginbidean adierazten zen zerbitzu hau ezin zela kontratu txikien bidez tramitatu eta lizitazio prozedura hasi beharra zegoela. Zerbitzuaren lizitazioa abian





*jartzeko denbora emate aldera, 2023an ez da txostenik egin "Asociación protectora de animales y plantas de Gipuzkoa" Elkarteak aurkeztutako fakturei buruz. Baina, egia esan, nahitaezko lege prozeduraren arabera izapidetzen ez den zerbitzu bat ematen jarraitzen dugu. Beraz, lizitazioa lehenbailehen martxan jartzea derrigorrezkoa da.»*

*Txostenaren emaitza erreparo etenarazlea izan zen.*

**Hirugarrena.-** *Udalbatzak, 2024ko otsailaren 29an, Ohiko Osoko bilkuran, onartzea erabaki zuen "Asociación Protectora de Animales y Plantas de Gipuzkoa" elkartearen kredituen judizioz kanpoko aitorpena. Erabaki honen bidez ordaindu ziren 2023 urteko irailetik abendura bitarteko fakturak.*

**Laugarrena.-** *"Asociación protectora de animales y plantas de Gipuzkoa" Elkarteak animaliak biltzeko zerbitzuari dagozkion beste 11 faktura aurkeztu ditu eta horien gastuak zuzen izapidetu gabe jarraitzen du. Izan ere:*

- prestazioak errepikakorrak dira eta urtero behar berari erantzuten diote, kontratu txikien iraupena urtebetetik beherakoa denean, luzatzeko aukerarik gabe, 9/2017 Legearen 29.8 artikularen arabera.*

*Espedientea legea jarraituz izapidetu ez denez, ulertu behar da ez dela egin eginkizun kontu-hartzailea, eta abenduaren 27ko Gipuzkoako tokiko sektore publikoko entitateen barne kontrolaren araubide juridikoa erregulatzen duen 32/2018 Foru Dekretuaren 28. artikulua aplikatu behar da. Honela dio artikulua honek:*

*"28. artikulua. Eginkizun kontu-hartzailea ez betetzea.*

*1. Foru dekretu honetan jasotakoaren arabera eginkizun kontu-hartzailea derrigorrezkoa izanik bete ez denean, ezin izango da ez obligazioa onartu, ez ordainketa izapidetu eta ez jarduketa horien aldeko kontu-hartzea egin, harik eta ez-betetzea artikulua honetan jasotakoari jarraituz ezagutu eta konpondu arte.*

*2. Baldin eta espediente bat ezagutzean organo kontu-hartzaileak eginkizun kontuhartzailea bete ez dela erreparatzen badio, horren berri emango dio espedientea hasi duen agintariari eta, aldi berean, bere iritzia emango du proposamenaz, txosten hori jarduketari erantsita, betiere toki entitateko lehendakariak prozedurarekin eta, bidezkoak izanez gero, gainerako jarduketekin jarraitzea erabaki ahal izateko.*



*Baldin eta eginkizun kontu-hartzailea ez bada betetzen osoko bilkuraren eskumeneko obligazio edo gastuei dagokienez, toki entitateko lehendakariak osoko bilkuraren erabakiaren menpe jarriko du prozeduraren eta, bidezkoak izanez gero, gainerako jarduketek jarraipena.*

*Txosten horrek ez du izango eginkizun kontu-hartzailearen ariketaren izaerarik, salbu eta eragozpena azaldu bada ordainketa aginduen jatorri diren egintzak fiskalizatu ez direnean. Txostena foru dekretu honetako 15. artikularen 6. apartatuan aipatutako zerrendan sartuko da, eta gutxienez alderdi hauek barnean hartuko ditu:*

- a) Gastua xehetasunez deskribatzea. Hura identifikatzeko behar diren datu guztiak sartuko dira, eta gutxienez honako hauek: organo kudeatzailea, gastuaren xedea, zenbatekoa, izaera juridikoa, noiz egin den, aurrekontu kontzeptua eta zer ekitaldi ekonomikotara egotziko den.*
- b) Adieraztea zer kasutan ez den araudia bete, informatzen duen organo kontu-hartzailearen iritziz, derrigorrezko aurretiazko fiskalizazio edo kontu-hartzea egin gabe egin-tza eman zenean, urratutako legezko xedapenak espresuki aipatuta.*
- c) Egiaztatzea prestazioak benetan gauzatu direla eta haien prezioa merkatuko prezioarekin bat datorrela. Horretarako, kontuan hartuko dira organo kudeatzaileak aurkeztutako balorazio eta frogagiriak, betiere organo horrek beharrezkoak diren aholku edo txosten teknikoak eskuratu behar izanik.*
- d) Egiaztatzea aurrekontu kreditu egokia eta nahikoa dagoela gastua ordaintzeko.*
- e) Begiratzea aukera ote dagoen eta komeni ote den ordenamendua urratuta emandako egintzak berrikustea. Hori guztia egitea organo kontu-hartzaileari dagokio, betiere aintzat hartuta prestazioak egin diren, haiek zer izaera duten eta nola baloratzen diren, bai eta legea bete den ere. Horretarako, kontuan hartuko da, egintzaren berrikuspenaren emaitza gauzatzeko, kalte-galeren ordainketaren bidea erabiliko dela, betiere Administrazioa bidegabe aberastearen edo bere ardurapeko obligazioa ez betetzearen ondorioz berari dagokion ondare erantzunaren ondorioz. Hortaz, ekonomia prozesaleko arrazoiak direla eta, berrikuspen hori egiteko eskatzea bidezkoa litzateke bakarrik uste denean kalteordain horien zenbatekoa txikiagoa izango dela proposatzen dena baino.*

*3. Biztanle kopuru handiko udalerrietan, obligazio eta gastuen inguruan esleitura dagoen eskumenaren arabera, osoko bilkurako lehendakariak edo tokiko gobernu batzordeak erabakiko du prozedurarekin eta bidezkoak diren gainerako jarduketekin jarraitu edo ez.*



*Ebazteko eskumena tokiko gobernu batzordearena denean, espedientea tokiko gobernu batzordeari bidaltzeko ardura izango da espedientearen izapideaz arduratzen den organoari dagokion edo organismo autonomoa edo, hala badagokio, partzuergoa adskribatuta duen arloko departamentu edo zinegotziaren organo titularrena, betiere eskumen hori eskuordetu ahal izan gabe.*

4. Osoko bilkurako lehendakariak edo tokiko gobernu batzordeak aldeko erabakia hartzen badute ere, egon daitezkeen erantzukizunak eskatu ahal izango dira.”

**Bosgarrena.-** Kontu-hartzailtzako eginkizuna nahitaezkoa izanda adierazitako espedientean, eta gastua baimentzeko aurretiazko fasean eginkizun hori alde batera utzi denez, ezin izango da obligazioa onartu, ezta jarduketa horien aldeko kontu-hartzea egin, ez-betetze hori ezagutu eta konpondu arte.

**Seigarrena.-** Eten egiten da, ekonomia eta finantza alderdietan, nahitaezko funtzio kontuhartzailea alde batera utzita emandako egintzaren eraginkortasuna.

**Zazpigarrena.-** 32/2018 Foru Dekretuaren 28.2 artikulua aipatzen dituen alderdiei dagokienez:

a. Gastuaren deskribapen zehatza

Ondorengo taulan xehetasunez deskribatzen da egindako gastua

| Faktura zk. | Fakturaren data | Zenbatekoa | Kontzeptua                    |
|-------------|-----------------|------------|-------------------------------|
| 018/2024    | 2024/02/28      | 852,45     | Otsaileko bilketa zerbitzua   |
| 029/2024    | 2024/02/28      | 997,04     | Hileko kuota finkoa: otsaila  |
| 044/2024    | 2024/04/04      | 997,04     | Hileko kuota finkoa: martxoa  |
| 040/2024    | 2024/04/30      | 1.342,41   | Apirileko bilketa zerbitzua   |
| 059/2024    | 2024/04/30      | 997,04     | Hileko kuota finkoa: apirila  |
| 050/2024    | 2024/05/31      | 1.653,65   | Maiatzeko bilketa zerbitzua   |
| 074/2024    | 2024/05/31      | 997,04     | Hileko kuota finkoa: maiatza  |
| 064/2024    | 2024/06/30      | 426,22     | Ekaineko bilketa zerbitzua    |
| 089/2024    | 2024/06/30      | 997,04     | Hileko kuota finkoa: ekaina   |
| 077/2024    | 2024/07/30      | 2.233,60   | Uztaileko bilketa zerbitzua   |
| 104/2024    | 2024/07/31      | 997,04     | Hileko kuota finkoa: uztaila. |

Guztira: 12.490,57

*b. Arauak ez betetzearen azalpena*

*Kontuhartzailletza honen iritiz, lehen identifikatutako gastuak txosten honen lehen jakinarazpenean eta eranskinean adierazten diren akatsak ditu.*

*c. Prestazioak egin direla eta prezioa merkatu-prezioarekin bat datorrela egiaztatzea*

*Saileko arduradunak txosten bat egin beharko du, egiaztatuz, prestazioak egin direla eta hauen prezioa merkatu-prezioarekin bat datorrela.*

*d. Egiaztatzea aurrekontu kreditu egokia eta nahikoa dagoela*

*Gastuaren zenbatekoa ordaintzeko aurrekontu-kreditu egokia eta nahikoa dago 0700.227.07.311.00 2024 aurrekontu partidan, lotura juridikoari dagokionez (AD2821/2024) elkarteak aurkeztutako hamaika fakturei dagokien gastua onartzeko. e) Egintzak berrikusteko aukera eta komenigarritasuna*

*Ordenamendua urratuz emandako egintzak berrikusteko aukerari eta komenigarritasunari dagokionez, aurreko c) puntuan aipatutako organo kudeatzaileak egiten duen txostenaren arabera izango da.*

*Saileko arduradunak adierazten badu dagozkion prestazioak egin direla eta merkatuko prezioari egokitzen zaizkiola, kontuan hartu beharko da kalteordainaren zenbatekoa bat datorrela fakturaren edo gastuaren zenbatekoarekin eta, beraz, ez dela beharrezkoa ESKU57759879-2cd5-4242-8488-9ee7bf5ef557 egintza berrikusteko eskatzea.*

**Zortzigarrena.- Alkateari dagokio erabakitzea prozedurak, eta kasuan kasu dagozkion jarduketek eta erantzukizunek, jarraituko duten ala ez.**

**Bederatzigarrena.- Aurrekoari kalterik egin gabe, udalaren alde bidegabeko aberastea gertatu bada, eta sailaren arduradunak egiaztatzen badu prestazioak egin direla eta hauen prezioa merkatu-prezioarekin bat datorrela, egindako prestazioak "Asociación protectora de animales y plantas de Gipuzkoa" elkarteari ordaindu behar zaizkiola uste dut, kredituaren judizioz kanpoko aitopen bat izapidetuz. Kreditu egokia eta nahikoa dagoenez, honen eskumena Alkatearena da.**



**Hamargarrena.-** Txosten hau bidali behar zaio alkateari, jakinaren gainean egon dadin, eta organo kudeatzaileari, dagokion txostena aurkez dezan, prestazioen gauzatzeari buruz eta horien prezioa merkatuko prezioari egokitzen zaion ala ez adieraz.

**Hamaikagarrena.-** Txosten honetan aipatzen diren fakturez gain zerbitzua lizitatu bitartean udalak animalien bilketa zerbitzuaren faktura gehiago jasoko balitu, horietan ere eginkizun kontu-hartzailea ez betetze egoera legoke.

**BIGARRENA.-** Kontuhartzaitzak eskatu bezala, udaltzainburuak igorritako txostenean zehazten du prestazioak benetan gauzatu direla eta haien prezioa merkatuko prezioarekin bat datorrela.

Horiek horrela, alkate-udalburu honek

## **EBAZTEN DU**

**LEHENA.-** Txosten honetan aipatzen diren fakturaz gain zerbitzua lizitatu bitartean udalak animalien bilketa zerbitzuaren faktura gehiago jasotzen baditu, "Asociación protectora de animales y plantas de Gipuzkoa" elkarteari ordaintzea.

**BIGARRENA.-** Erabaki hauek jakinaraztea interesdunari, Kontuhartzaitzari eta Kontratazio Unitateari.

Ebazpen hau finkoa da eta amaiera ematen dio administrazio-bideari. Erabakiaren kontra, honako errekurtsio hauek jar daitezke:

Erabakiaren aurka auzitara jo aurretik, interesdunak, hala nahi izanez gero, berraztertze-errekurtsioa aurkez dezake Alkatetzaren aurrean hilabete bateko epean, erabaki honen jakinarazpena jaso eta biharamunetik kontatzen hasita. Hori dena, Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123 eta 124 artikuluetan xedatutakoaren arabera.

Bestela, berraztertze-errekurtsioa aurkeztu ordez, edo aipatutako errekurtsioaren erantzunaren aurka joko balu, interesdunak administrazioarekiko auzi-errekurtsioa aurkez dezake bi hilabeteko epean, erabaki honen jakinarazpena jaso eta biharamunetik hasita. Errekurtsio hori Donostiako Administrazioarekiko Auzien Epaitegian aurkeztu beharko da.

Era berean, berriazko ebazpenik ez badago, bai prozedurari amaiera emateko edo bai berraztertze-errekurtsioari erantzuna emateko, interesdunak administrazioarekiko auzi-errekurtsioa aurkez dezake, edozein unetan. Errekurtsio hori Donostiako Administrazioarekiko Auzien Epaitegian aurkeztu beharko da.



Interesdunari legearen arabera jakinaraz bekio.

**Alkateak agindu eta izenpetua, eta nik, idazkari akzidentala naizen honek, ziurtatua, Tolosan, sinaduran agertzen den datan.**

**>> EGINBIDEA**

**Tolosako Udaleko idazkari akzidentalak eginbide hau egin du, honako hau jasota gera dadin:**

*21/2003 Foru Arauak, abenduaren 19koak, Gipuzkoako Lurralde Historikoko Toki Erakundeen Aurrekontuei buruzkoak hau zehazten du 70.3 artikuluan: "3.- Ingera gastuen erabilpenari, betebeharren aintzatespenari edo ordainketa-aginduari badagokio, espedientearen izapidetza etengo da harik eta hura ebazten den arte, beti ere honelakoetan gertatzen denean: a) Oinarria kredituaren askiezintasunean edo proposatutakoaren ezegokitasunean datzanean. b) Ordainketa-aginduak sortu dituzten egintzak fiskalizatu ez direnean. c) Espedientearen funtsezko beharkizun edo izapideak alde batetara utzi direnean. d) Ingera obra, hornidura, eskuraketa eta zerbitzuen egiaztapen materialetatik sortzen denean." Halaber, artikuluko bereko 4. idatz-zatiak hau zehazten du: "Eragozpenak ukitzen duen organoa berarekin ados ez dagoenean, toki entitateko lehendakariak ebatzi beharko du desadostasuna; eta ebazpen hori betearazi beharrekia izango da. Ahalmen hau ezin da eskuordetu." Era berean, artikuluko bereko 6. eta 7. idatz-zatiek hau zehazten dute: "6. Kontu-hartzailetzako organoak txostena helaraziko dio Udalbatzarrari edo organo baliokideari, adierazitako eragozpenen kontra toki entitateko lehendakariak hartutako ebazpen guztien inguruan; halaber, diru sarreraren arloan atzemandako arazo nagusien laburpena bidaliko dio. Txosten horrek funtzio ikuskatzaileari dagozkion alderdiei eta betekizunei bakarrik erantzun die, ikuskatutako jarduketaren aukera edo komenigarritasunari dagozkion gaiak gaineratu gabe. Apartatu honetan jasotakoak puntu independente bat osatuko du dagokion osoko bilkurako gai zerrendan. Toki entitateko lehendakariak jarduketaren txosten justifikatzailea aurkeztu ahal izango du Udalbatzarrean edo organo baliokidean. 7. Kontu-hartzailetzako organoak, toki entitateko lehendakariaren bitartez, txosten bat helaraziko dio urtero Herri Kontuen Euskal Epaitegiari, adierazitako eragozpenen kontra toki entitateko lehendakariak eta Udalbatzarrak edo organo baliokideak hartutako ebazpen eta akordio guztien inguruan; halaber, diru sarreraren arloan atzemandako arazo nagusien laburpena bidaliko dio. Dokumentazio horrez gain, toki entitatearen justifikazio txostenak aurkeztu beharko dira, hala badagokio."*

*Hortaz, idazkari akzidental honek adierazi nahi du Gipuzkoako Lurralde Historikoko Toki Erakundearen Aurrekontuei buruzko Foru Arauan xedatutakoaren arabera, beharrezkoa izango dela kontuhartzailetzako organoak txostena helaraztea Udalbatzarrari, adierazitako eragozpenen kontra toki entitateko lehendakariak hartutako ebazpen guztien*



*inguruan. Halaber, alkate-lehendakariaren bitartez, txosten bat helaraziko dio urtero Herri Kontuen Euskal Epaitegiari, adierazitako eragozpenen kontra alkate-lehendakariak eta Udaltzatzak hartutako ebazpen eta akordio guztien inguruan.*

ALKATEA

IDAZKARI AKZIDENTALA

Angel Martinez de Rituerto Arregui

Francisco Javier Araniguriá Rodrigo

Batzarkideak jakinaren gainean geratu dira.

**2025/982 Dekretua: 2025/12 faktura zerrendak**

### ALKATETZA DEKRETUA

**ANGEL MARTINEZ DE RITUERTO ARREGUI** Tolosako Udaleko alkate-udalburuarena, bat etorrira Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritakoarekin.

### IKUSIRIK

LEHENA.- KILI-KOLOK S.COOP-ek faktura hauek aurkeztu dizkio Tolosako Udalari:

| Faktura Zk.     | Zenbatekoa  |
|-----------------|-------------|
| <b>2025/003</b> | 8.355,91 €  |
| <b>2025/015</b> | 10.027,05 € |
| <b>2025/025</b> | 10.027,05 € |

### KONTUAN HARTURIK

LEHENA.- Tolosako Udalak 2021ko urtarilaren 7ko datarekin esleitu zion nerabeentzako gazte topagune zerbitzua Kili-Kolo S. COOP-i.





Esleipeneko prozesu horretan aurreikusia zegoen kontratu horren iraupena bi urtekoa izatea, eta, gainera, luzapen bat proposatzen zituen, guztira lau urteko iraupenarekin. Zerbitzu kontratu hori 2021eko urtarrilaren 7an jarri zen indarrean, eta 2025ko urtarrilaren 6an iraungi.

**BIGARRENA.-** 2024ko irailaren 24an eman zitzaion hasiera Topagune zerbitzua kudeatzeko 2024SABI0008 espedienteari, Alkate probidentzia irailaren 24an sinatu zuen alkateak eta teknikari honek txostena egin zuen topagune zerbitzua kudeatzeko kontratu publikoa esleitzeko prozedura berria abiarazteko proposamenarekin.

**HIRUGARRENA.-** KILI KOLO S. COOP enpresak Tolosako Udalerrian gazte topagunea kudeatzeko zerbitzu-kontratua ematen ari da 2024SABI0008 espedientea garatzen ari den epealdian. Jaso den informazioaren arabera, bertan aurreikusitako zerbitzua bere horretan ematen ari da eta era berean, hezitzaile-dinamizatzaile lan-talde osoak jarraitzen du bere jardunean, eta enpresa bere obligazio guztiak betetzen ari da

**LAUGARRENA.-** Egiaztatu da faktura hauek egiterakoan enpresak erabilitako irizpide ekonomikoa zerbitzu-kontratua indarrean zegoen epealdirako ezarritako berbera izan dela; hau da, zerbitzu-kontratuaren indarraldirako adostutako orduko/ prezio berbera fakturatu dute hiru hilabeteetan emandako zerbitzuaren ordainketa eskatzerakoan.

**BOSTGARRENA.-** 202400088 SABI espediente bidez kudeatzen ari den zerbitzu kontratua esleitu bitartean modalitate honetan eskainiko du KILI KOLO S. COOPEK. topagune zerbitzuaren gestioa

Aipatutako guztia aintzat hartuta, alkate honek honako hau

## **E B A Z T E N   D U**

**LEHENA.-** - KILI- KOLO S.COOP-i, aurkeztutako hiru faktura hauek onartzea eta ordaintzea:

| <b>Faktura Zk.</b> | <b>Zenbatekoa</b> |
|--------------------|-------------------|
| <b>2025/003</b>    | 8.355,91 €        |
| <b>2025/015</b>    | 10.027,05 €       |
| <b>2025/025</b>    | 10.027,05 €       |





**BIGARRENA.-** Modalitate honetan emandako zerbitzuari dagozkion gainerako fakturak ere onartzea eta ordaintzea, baldin eta baldintza berak mantentzen badira fakturretan, beti ere kontratu publiko berria esleitu eta indarrean sartzen den dataren aurreko egunera arteko epealdiari badagokio.

**HIRUGARRENA.-** Interesatua eta Kontuhartzaitza Saila jakinaraztea.

Ebazpen hau finkoa da eta amaiera ematen dio administrazio-bideari. Erabakiaren kontra, honako errekurtsio hauek jar daitezke:

Erabakiaren aurka auzitara jo aurretik, interesdunak, hala nahi izanez gero, berraztertze-errekurtsioa aurkez dezake Alkatetzaren aurrean hilabete bateko epean, erabaki honen jakinarazpena jaso eta biharamunetik kontatzen hasita. Hori dena, Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123 eta 124 artikuluetan xedatutakoaren arabera.

Bestela, berraztertze-errekurtsioa aurkeztu ordez, edo aipatutako errekurtsioaren erantzunaren aurka joko balu, interesdunak administrazioarekiko auzi-errekurtsioa aurkez dezake bi hilabeteko epean, erabaki honen jakinarazpena jaso eta biharamunetik hasita. Errekurtsio hori Donostiako Administrazioarekiko Auzien Epaitegian aurkeztu beharko da.

Era berean, berariazko ebazpenik ez badago, prozedurari amaiera emateko nahiz berraztertze-errekurtsioari erantzuna emateko, interesdunak administrazioarekiko auzi-errekurtsioa aurkez dezake, edozein unetan. Errekurtsio hori Donostiako Administrazioarekiko Auzien Epaitegian aurkeztu beharko da.

Interesdunari legearen arabera jakinaraz bekio.

**Alkateordeak agindu eta izenpetua, eta nik, idazkari naizen honek, ziurtatua, Tolosan, sinaduran agertzen den datan.**

ALKATEA

UDAL IDAZKARIA

Angel Martinez de Rituerto Arregui

Sara Berasategui Fuertes

Batzarkideak jakinaren gainean geratu dira.



**2025/1263 Dekretua: 2025/13 faktura zerrendak**

**ZINEGOTZI DELEGATUAREN DEKRETUA**

Tolosako Udaleko Kontuhartzaitza eta Diruzaintza Saileko Zinegotzi Delegatuak, Estitxu Kortejarena Ugartek, bat etorrita Toki-Araubidearen oinarriak arautzen dituen apirilaren 2ko 7/1985 Legearen 21.1 eta 21.3 artikuluetan ezarritakoarekin, eta 2023/1695 Alkatetza Dekretuak, 2023ko ekainaren 30ekoak, zinegotzi delegatuei emandako eskumenez baliatuta.

**KONTUAN HARTURIK**

21/2003 Foru Arauak, abenduaren 19koak, Gipuzkoako Lurralde Historikoko Toki Erakundearen aurrekontuei buruzkoak, bere 41.2 artikuluan xedatzen duenaren arabera, alkateak aintzatetsiko ditu lege eskuratutako gastuen konpromisoetatik sortzen diren betebeharrak.

Hori horrela, zinegotzi delegatuari dagokio onartzea gastuetatik eratorritako 2025eko honako faktura-zerrenda hau:

13. zenbaki duena, 176.788,03 eurokoa.

Zerrenda horretan sartuta dauden fakturek oniritzi teknikoa daukate eta behar bezala fiskalizatuta daude.

Horiek horrela, Zinegotzi Delegatu honek

**ERABAKI DU**

**LEHENA.-** Onartzea honako faktura-zerrenda honetako faktura guztien eta bakoitzaren gastua eta ordain ditzatela agintzea:

13. zenbaki duena, 176.788,03 eurokoa.

**BIGARRENA.-** Dekretu hau jakinaraztea Tolosako Udaleko kontuhartzaileari eta Tokiko Gobernu Batzarrari.

*Ebazpen honek bide administratiboari amaiera ematen dio. Beraren kontra, honako errekurtsio hauek jar daitezke:*

*Auzibidera jo aurretik, interesdunak aukera izango du birjarpen errekurtsioa aurkezteko Alkateari hilabete bateko epean, jakinarazpen hau jaso eta biharamunetik kontatzen hasita, hala xedatuta baitago Herri Administrazioen Administrazio Prozedura Erkidea arautzen duen urriaren 1eko 39/2015 Legearen 123. eta 124. artikuluetan.*

*Bestela, birjarpen errekurtsioaren orde, edo errekurtsioaren erantzunaren aurka joko balu, interesatuak administrazioarekiko auzi-errekurtsioa aurkez dezake bi hilabeteko epean, erabaki honen jakinarazpena jaso eta biharamunetik aurrera. Errekurtsio hau, Donostiako Administrazioarekiko Auzien Epaitegian aurkeztuko da.*

**Agindu eta izenpetzen duena Ogasun eta Finantza Administrazio Saileko zinegotzi delegatuak, eta nik, Idazkari akzidental naizen honek, ziurtatua.**

ZINEGOTZI DELEGATUA

UDAL IDAZKARIA

Estitxu Kortejarena Ugarte

Sara Berasategui Fuertes

Batzarkideak jakinaren gainean geratu dira.

**Eta besterik gabe, bilera amaitutzat jo dute 10:20ean.**

ALKATEA

UDAL IDAZKARIA



Sinaduren laburpena / Resumen de firmas

Titulua / Título:

2025IGBA0012-2025/05/06ko akta/2025/05/06ko akta ()